

國

朝

列

卿

紀

國朝列卿紀卷之三十七

南京戶部左右侍郎年表

趙 儉

陝西邠州人鄉舉宣德元年任右調河南布政使

段 民

直隸武進人進士宣德五年任右調南京刑部右

成 均

直隸鹽城人監生宣德七年任右致仕

徐 稚

直隸江陰人吏員正統四年任左詳兵部尚書

王 淪

河南太康人進士正統五年任右被劾乞休

張 凤

直隸安平人進士正統六年任右華督糧儲掌部事詳本部尚書

謝 璉

福建龍溪人進士景泰元年任右理部事

楊 輿

福建晉江人監生景泰七年任右致仕

馬諒直隸和州人進士

天順元年任左

俞綱浙江嘉善人鄉舉天

順元年任左掌部事

譚溥山東昌邑人進士天

順五年任右掌部事

馬諒詳前天順六年

任左掌部事

陳翌直隸虹縣人進士天順七年

任左掌部事陞本部尚書

黃琛福建將樂人進士成化七年任

右兼左僉都御史回掌部事

馬顯直隸永年人進士成化七年任

右署本部事詳南京兵部侍郎

王恕陝西三原人進士成化

九年任左詳吏部尚書

潘榮詳尚書成化十二年任右十四

年改督南京糧儲右副都御史

李和河南安陽人進士成化二

十一年任右署工部事

侯

璽

直隸雄縣人進士成化二十二年任左歷南京兵部尚書

李

益

陝西長安人進士弘治五年任右致仕

李孟賜

河南睢州人進士弘治十一年任

鄭紀

福建仙遊人進士弘治十五年任右

詳尚書本部尚書

陳全

十七年任詳尚書弘治

郝志義

陝西清澗人進士正德元年任右

王珩

直隸趙州人進士正德二年任右致仕

王瓊

山西太原人進士正德四年任右詳吏部尚書

胡富

直隸績谿人進士正德四年任右詳本部尚書

張志淳

雲南永昌府嵩縣人進士正德五年任右致仕

儲 墉直隸泰州人進士正德七年

任左改南京吏部左侍郎

王鴻儒 河南南陽人進士正德八年

任右詳本部尚書

蔣昇 廣西全州人進士正德十年

任右詳本部尚書

蔣恭 四川巴縣人進士正德十六年任右致仕

吳廷舉 廣西蒼梧人進士嘉靖二年

任右詳南京工部尚書

徐蕃 直隸泰州人進士嘉靖三年任右致仕

胡鍊 直隸長垣人進士嘉靖三年任右致仕

楊果 直隸興化人進士嘉靖八年任右卒於官

顧珀 福建晉江人弘治己未進士嘉靖八年任右侍郎十三年致仕

唐胄 廣東瓊山人弘治壬戌進士嘉靖十三年任右侍郎詳戶部左

袁宗儒

北直隸雄縣人正德戊辰進士嘉靖十五年任右侍郎詳戶部左

王潮

南直隸丹徒人武功衛籍正德戊辰進士嘉靖十七年任右侍郎十八年致仕

汪珊

南直隸貴池人正德辛未進士嘉靖十八年任右侍郎二十年致仕

王暉

應天句容人正德丁丑進士嘉靖二十二年推右侍郎未任詳戶部總儲尚書

夏邦謨

見本部尚書嘉靖二十二年任右

張總

南直隸大興人正德甲戌進士嘉靖二十三年改右侍郎未任致仕

韓世英

見本部尚書嘉靖二十四年任右

王道

山東武城人正德辛未進士嘉靖二十五年任右改吏部右

侯綸

山西太原人正德辛未進士歷兵部右侍郎同籍嘉靖丙午起任右二十六年起兼總儲二十九年致仕

方鈍

湖廣巴陵人正德辛巳進士嘉靖二十九年任右侍郎詳戶部尚書

駱

顥

四川富順人嘉靖癸未進士嘉靖三十年調任本年改總漕詳戶部左

陳

儒

錦衣衛人嘉靖癸未進士三十一年任右侍郎詳總漕右都御史

楊

宜

北直隸衡水人嘉靖癸未進士三十二年任右侍郎三十三年改兵部侍郎提督浙直軍務

王

誥

河南西平人嘉靖癸未進士三十一年任右侍郎三十四年任右侍郎陞總漕右都御史

黃懋

官

福建莆田人嘉靖戊戌進士三十六年任右侍郎總南儲三十九年被害以上兼總儲

王

廷

四川南充人嘉靖壬辰進士三十九年任右侍郎本年丁憂

游居敬

福

建南平人嘉靖壬辰進士三十九年推右侍郎未任以巡撫事謫戍

林應亮

福

建侯官人嘉靖壬辰進士三十九年任右侍郎四十年改北戶總儲

黃養蒙

福

建南充人嘉靖辛丑進士三十一年任右侍郎四十二年改北

陳

堯

直隸通州人嘉靖乙未進士四十二年任右侍郎未任改工部總理河道改刑部

張珙

山西石州人嘉靖乙未進士四年

十三年

任右侍郎

十四年

改工部

徐養正

廣西馬平人嘉靖辛丑進士四十五年

改戶部

左侍郎

陞南京

工部

尚書

萬士和

直隸宜興人嘉靖辛丑進士四十五年

任右

改戶部

總僉

洪朝選

福建同安人嘉靖辛丑進士隆慶元年

推右未任

盛汝謙

直隸栢城人嘉靖辛丑進士隆慶元年

推右未任

張守直

順天遵化人嘉靖甲辰進士隆慶二年

任右改北

徐貢元

直隸繁昌人嘉靖辛丑進士隆慶四年

任右本年回籍

喻時

河南光州人嘉靖戊戌進士隆慶四年

起任卒

楊思忠

山西平定人嘉靖辛丑進士隆慶五年

任右

畢鏘

直隸石埭人嘉靖甲辰進士隆慶六年

任右改刑部

栗永祿

山西長治人嘉靖甲辰進士萬曆元年任

曹三暘

直隸宜興人嘉靖甲辰進士萬曆二年任

汪宗伊

湖廣崇陽人嘉靖戊戌進士萬曆四年任

程嗣功

直隸歙縣人嘉靖丁未進士萬曆六年任

陳道基

福建同安人嘉靖己未進士戊進士萬曆九年任

王廷瞻

湖廣黃岡人嘉靖己未進士萬曆九年任

王緝

山西汾州衛籍定遠人嘉靖己未進士萬曆十一年由南大理寺卿任總督糧儲本兵致仕

宋 繩

河南商丘人嘉靖己未進士萬曆十二年以巡撫保定右僉都御史陞任十二年改戶部

楊一魁

山西安邑人嘉靖乙丑進士萬曆十三年以巡

方弘靜

直隸歙縣人嘉靖庚戌進士萬曆十五年以撫治鄭陽右副都御史陞任

顧養謙

直隸通州人嘉靖乙丑進士萬曆十七年任

周繼

山東歷城人嘉靖乙丑進士萬曆十八年由應天巡撫陞任

南京戶部左右侍郎行實

趙倫字

陝西西安府邠州人洪武中由歲貢入太學擢兵

部職方司郎中宣德元年陞戶部右侍郎蒞事留都四年命

巡視浙江地方五年以事調山西左叅政進右布政後改河南

布政使卒於官

段氏字時舉直隸常州府武進縣人自幼溫重穎敏喜學登永
樂甲申進士第爲翰林庶吉士文學大進與修永樂大典丁內
艱去服闋除刑部山東清吏司主事授承直郎蒞官廉慎而明
敏克勤恒存哀矜惻怛之心處疑獄必歸於厚踰年扈從赴北
京召修四書五經及性理大全書成被重賜復還刑部陞郎

中益精獄議陞山東布政司叅政同舉中多畏難民曰竭力以
共吾職耳何足計利害哉下車數載宣德意整飭紀綱撫綏殘
氓剗革宿弊政理一新吏民悅戴居三年召同考禮部會試人
服其衡鑑又三年召赴闕命以本官署戶部右侍郎之南京
是時車駕在北京久南京諸司習於翫悞任錢穀刑名者其
務叢脞尤號不治至則躬勤率之莫敢或違始若扞格已而服
從咸修其職明年實授本部右侍郎又明年改刑部見南京刑
部

成均字直隸淮安府鹽城縣人性至孝永樂六年由歲貢
入太學擢廣東道監察御史彈劾無所避歷江西按察司副使

宣德三年陞刑部右侍郎五年巡撫浙江築捍海隄民賴之七年改戶部右侍郎蒞事留都正統四年乞致仕尋卒於官

徐晞字

直隸常州府江陰縣人由吏員授繕工司都事歷

工部郎中晞有巧佞才外示謙厚心懷機械多以智術籠人又善結中官王振宣德十年假督工勞超陞試兵部右侍郎命簡閱陝西臨洮諸衛軍士尋勑鎮守甘肅地方正統元年召還實授兵部右侍郎本年虜酋朵兒只伯寇西陲復命鎮守涼州莊浪諸要害地晞規免其地又賄王振改遷南京戶部左侍郎及張太后崩振益恣橫弄權六年麓川思任發初叛振另遣將失利事下內閣議大學士楊士奇等謂遠夷不足較且爲耕

守計振逞忿不從與兵部尚書王驥謀用兵又以晞爲腹心薦督軍餉起東南兵十五萬給餉者倍之窮其巢穴而首惡終不可得疲耗中國濫費爵賞不可勝計且以爲功封驥靖遠伯陞

晞兵部尚書餘詳兵部

王淪字河南開封府太康縣人戶部尚書王鈍之子也永

樂丙戌進士改庶吉士作養翰林院七年授左春坊左司直郎歷參議正統五年召陞戶部右侍郎蒞事留都本年出督浙運六年劾免

張鳳詳本部尚書正統六年任本部右侍郎兼督南京糧儲掌部事景泰三年轉本部左僉幾進尚書四年轉南京兵部

謝璉字廷器福建漳州府龍溪縣人宣德丁未進士二甲第二
名授翰林院編修正統中陞侍讀景泰元年上治安疏一十五
事俱切時政 上俞行之本年陞南京戶部右侍郎理部事七
年卒於官

楊輿字 福建泉州府晉江縣人附籍京衛正統中由監生
授 鄭王府伴讀十二年陞處州府知府景泰元年以潛邸恩
進戶部郎中 年陞鴻臚寺卿七年陞南京戶部右侍郎天順
元年致仕

馬諒字子諒直隸和州人宣德壬子領鄉薦癸丑中進士丁外
艱服除授行在吏科給事中數陳時事闡切知大體奉使山右

封藩王恪謹禮儀賞賚一無所受正統甲子陞山東布政使左叅議景泰辛未陞應天府尹天順丁丑陞南京戶部左侍郎三月奉表賀闕下陳情歸省有寶鑑之賜六月丁母憂庚辰召至京蒞事戶部壬午復南京戶部癸未滿九載上疏乞骸骨 詔許之益諒尹應天時嘗忤權貴思有以中傷之久矣至是以老疾爲言而諒年纔五十八實未老士論惜之諒爲人精敏究心吏治其始至山東也循行郡邑訪庶政得失察百司賢否廢興黜陟悉協公議會河決張秋 朝廷雖遣大臣治之然分理之務多出於諒水訖不能爲患正統末胡寇犯邊降虜安置山東者欲乘機爲亂 朝廷憂之以勅諭三司戢民守城諒曰此勅

不可使聞於衆俄有馳生擒胡寇文移至者乃集衆諭之衆咸帖服民有惑於後妻而欲置子於法乃諭其父母曰昔夫子爲政誅少正卯而宥不孝以教令不明也今爾子有凶德乃吾屬教令之失非由爾民之罪也其父母感悟遂請釋之還爲孝子有民婦與夫兄有隙而縊殺其子姦人之婦而殺其夫匿其脾以強占民田盜米廩餘地以廣其居皆久訟不決諒一訊卽伏其辜歸其侵地而於負冤者尤力爲辯守凡至應天府事頃委裁決如流案無留牘溧水民素健訟一日投牒至八百諒視其虛實而異置之召訟者曰某也實某也虛虛則受笞實則待勘民願受笞者十之七八待勘者不一二其俗人死而利其妻者

出棺殮之人已出棺復有載棺至者妻欲嫁後至者用其棺而先出棺者訟於縣不直復訟於諒乃責令曰薄俗不能禁民死無所歸安用令爲乃杖出棺者以棺給貧民而歸其妻於所親使俟終喪別適焉六合貧民與其弟妻同刲入三斛粟事覺當棄市諒曰以三斗粟而殺一家三人吾不忍也乃爲出其弟妻其人臨刑號於衆曰吾死無所憾但吾尹之德無以報爾句容有因人死而棄毀其屍者所司擬以支解入罪獄上諒不可曰死後棄毀誰可與生前支解同科爲輕減之先時掌鈔獨歸於尹凡百供需悉出倚郭二縣民不勝擾諒至一無所取分給僚屬餘則儲以備燕饗饋贍又積其餘以爲工傭之費名曰公餘

錢凡重建府治修葺廟學創立貢院皆取給於此無勞民傷財
之患既擢試地官未越月綱紀秩然政有未便者條陳於上
苟益於時無所顧忌先是爲叅議時陳撫軍民五事府尹秩
滿陳恤民十三事朝覲至京陳便民九事上覽疏嘉之多見
施行蓋諒歷官中外三十年門無私謁謝事而歸囊橐蕭然田
宅讓諸弟姪別建居室少買田業治常產而家無綱紀之僕多
諒自綜理暇日閉門焚香繙閱墳典課子姪業明經而已當道
至訪以時事輒謝曰老耄無所與聞與守臣言無一語及私鄉
人以請托至者拒絕之或以利動則曰吾後事具矣安用此爲
其清節雅操老而不變逝年七十有七

俞綱字宗立浙江嘉興府嘉興縣人寓上元爲諸生改隸順天正統元年舉修宣廟實錄三年授中書舍人六年 郎王受封簡輔導 詔綱侍講歷審理正爲人和恩績密無疾言遽色謹身率職稱爲長厚君子十四年 郎王卽位以輔導恩陞太僕寺卿十二月進兵部右侍郎入內閣一年侍經筵三月尋出理部事景泰二年歷兵部左侍郎三年易儲加太子少保仍兼原職天順元年調南京戶部左侍郎六年改南京兵部詳南京禮部

譚溥字澤民山東萊州府昌邑縣人父義司訓大名遂附籍中順天鄉試取宣德癸丑進士授刑部主事遷遼東苑馬司少卿

景泰二年陞廣右叅政越四年改江西七年陞陝西左布政使
天順五年召爲南京戶部右侍郎掌部事六年卒於官

陳翌詳本部尚書天順七年任左侍郎掌部事

黃琛字廷獻福建延平府將樂縣人正統己未進士登第授戶
部清吏司主事未幾署員外郎時朝廷遣巡撫江南總
督糧儲有言其歲久糧耗而弊滋由是琛出按事稍嚴有司望
風震懾或曰使者有勞效有惠在人盡少緩琛曰功過不相掩
且吾知奉命清華耳今日巧名之多浮費之鉅如所謂不費之
輿梁無跡之巨耗與夫釋老之廬金碧輝輝郡邑相望皆國之
錢穀民之膏血也此欲獨爲典司者隱邪竟以實聞公論憤服

尋陞郎中景泰癸酉陞江西左叅政進左布政使丁內艱起復
調浙江所至寬厚正大不察察於簿書之末而惟植善抑邪保
境安人尤注意守令之選以爲得方岳重臣體成化丁亥起遷
南京戶部右侍郎庚寅奉勑四川巡視撫按考察悉從便宜
琛以求民隱精黜陟爲已任不憚險僻偏州小邑躬自涉歷有
所陳白悉報可辛卯冬始復任以勞勲故多病感上恩遇未
敢言去卽奏乞歸省未得而病卒成化九年年六十有一琛
外和而內剛寡交與平生不識權貴不譖異端不禮淫祠好善
嫉惡出於至誠流俗之人鮮當其意者有清鑑善臧否人物率
多中至今能傳之

馬顯字文明直隸廣平縣人正統壬戌取進士授戶科給事中
己巳北征幾沒於陣景泰初進都給事中適權奸用事顯指陳
得失多所裨益尋忌者出爲河東都轉鹽運使鹽法流通國計
用裕天順戊寅擢四川左布政使時蠻寇猖獗境內繹驛顯督
畫戎務調度軍餉獨人賴以帖然旬宣之政不可悉數秩滿用
巡撫都御史奏復留三年成化庚寅擢南京兵部左侍郎七年
署戶部事值歲大祲奉 詔巡視鳳陽等郡民瘼撫窮獨擊奸
慝民賴安堵轉左侍郎詳南京兵部

王恕字宗貫陝西西安府三原縣人生而魁偉高岸音吐如鍾
見者異之正統戊辰登進士選入翰林爲庶吉士授大理寺評

事歷左寺副陞揚州府知府天順間遷江西右布政使轉河南
左布政使未踰年歷都察院右副都御史撫治南陽荆襄時南
陽豪爭礦殺人怨獲其渠魁餘悉解散以內難去會襄陽盜起
詔恕起復會兵搗其巢走之及劉干斤輩作亂契亦會王師平之
復榜示流民諭使復業民爲建生祠繪像事之益平遂勑撫
河南進左副都御史風采襟懷有所興革兵民甚宜之後改南
京刑部左侍郎丁憂成化八年河道淤阻特起刑部左侍郎總
理恕躬視上下奏揚州一帶河道止藉高郵邵伯等湖所積雨
水接濟河身比湖身頗高每湖水稍耗則淺澁不能行舟若將
河身比湖身濬深三尺則湖水自來河水自深雖遇乾旱那不

阻船又云高郵湖自杭家嘴至張家溝三十餘里俱係磚砌岸
每遇西風大作損壞船隻前項堤岸之外地勢頗低若濬深三
尺濶十二丈取土以爲外堤就將內堤減水閘改作通水橋洞
接引湖水以內行舟仍於外堤造減水閘三座以接水利雖遇
風濤亦無前患并查雷公上下塘句城塘陳公塘俱古跡各有
放水減水閘座若每塘修造板閘一座減水閘二座潦則減水
不致衝决塘岸旱則放水得以接濟運河疏入俱允行之尋改
南京戶部左侍郎會雲南夷獠爲梗改都察院左副都御史巡
撫其地有直聲歷吏部尚書詳吏部

潘榮詳尚書成化十二年任右十四年改右副都御史督南京

糧儲

李和字本中河南彰德府安陽人天順丁丑進士授吏科給事中嘗論事忤旨廷杖幾死遷都給事中成化十六年陞通政司叅議十九年遷右通政每居一官積年不徙成化末李孜省以左道進而大臣競樹黨中官梁方等用事最後萬喜有寵士夫躁進者各擇從朝合夕遷和以靜正淹滯鄉有齊姓者因和久次謂曰公常恬如將俟河清邪今諸貴人亦素敬愛持二帕贊造請食頃耳而卿佐可得時乎時乎可隨而不可與之翻也和謝曰吾譬之婺婦黑髮守節皓首乃求聘乎退謂所親曰吾見附人者有害亡利是時有郎中素結倡優進欲爲通政乃傳

者遷和爲南京戶部右侍郎以彼代和至戶部六閱月而卒和豐貌恢量雖僕卒言色罔躁喜慍莫顯然內含獨朗事低昂及人賢不肖不失分寸父光道得痿疾彌年和自奉養躬上溺器久益處儉薄不計生產子華少好俠稍侈和每責之曰由奢入儉艱爾少安閑老必辛苦又善說中庸太宰姚夔嘗稱之曰不競不激含蓄光景如澄淵亡波自瑩珠玉後渠甥崔銑曰銑先親李公長女也銑猶及見李公家君居貧時李公知家君賢妻之先親嘗言鄉里先輩李文達耿清惠皆與李公善謂李公量如忠獻公嗟乎恨銑夙木感切渭陽沒吾身焉爾矣

侯瓚字春璋直隸保定府雄縣人景泰甲戌進士授戶部主事

天順中陞戶部員外郎成化二年陞鳳翔知府八年陞山西右叅政十七年陞光祿寺卿二十一年陞都察院右僉都御史巡撫甘肅二十二年歷兵部右侍郎本年改南京禮部二十三年轉南京戶部左侍郎掌部事弘治五年陞南京工部尚書詳南京兵部

李益字景賢陝西西安府長安縣人戶部左侍郎遷之子也中陝西癸酉鄉舉明年甲戌取進士授知縣擢御史陞山東按察使歷右布政使轉左成化二十二年陞右副都御史總理糧儲弘治三年陞南院右副都御史嘗督院寧五年陞南京戶部右侍郎十五年致仕

李孟賜字時雍河南睢州人天順壬午中河南鄉試成化壬辰

登進士擢戶科給事中乙巳擢都給事中弘治戊申擢湖廣左

叅政庚戌晉廣西右布政使乙卯遷都察院右副都御史提督

南京糧儲奏修官廨以便分理折支勲臣祿米以省轉輸戊午

轉南京戶部侍郎壬戌進拜南京工部尚書詳南京工部

鄭紀詳本部尚書弘治十五年任本部右侍郎

陳金詳本部尚書弘治十七年任

郝志義字宜之陝西延安府清澗縣人中成化陝西戊子鄉試

明年己丑取進士授大理寺評事錄囚河南釋無辜者三百七

十人決大辟十人定疑獄三十五人時汴洛久旱乃大雨由是

名著擢山西僉事痛懲兇惡復陞山東按察司副使巡撫徐公
源知其貧百金賙之不受後起布政弘治十八年進右副都御
史巡撫湖廣正德元年陞南京戶部右侍郎二年致仕

王璡字美器直隸真定府趙州人成化辛卯中順天鄉試乙卯
取進士弘治一年陞正科都給事中八年陞太僕寺少卿十二
年改右通政十四年陞光祿寺卿十八年改南京太僕寺卿正德
二年任南京戶部右侍郎四年致仕

王瓊字德華山西太原府太原縣人成化甲辰進士授工部屯
田司主事弘治四年陞屯田司員外郎六年陞都水司郎中九
年改戶部陝西司郎中十二年陞山東右參政十四年守制十

六年補河南左叅政十八年陞河南右布政使正德元年陞都察院右副都御史整理兩淮鹽法二年取回本年改總督漕運未任尋陞戶部右侍郎三年改吏部右侍郎本年調南京吏部右侍郎四年改南京戶部右侍郎本年丁憂六年復任戶部右侍郎詳吏部尚書

胡富詳本部尚書正德四年任右侍郎

張志淳字進之應天府江寧人以戎籍編雲南永昌衛舉雲南成化庚子鄉試第一登甲辰進士二甲第四人弘治三年授吏部文選司主事五年丁外艱九年起復補驗封十三年擢稽勲員外郎十五年調考功時以賢明考最十七年擢稽勲郎中旋

調考功十八年進文選郎中在文選時循部規采輿論用賢拔滯門無請謁與前文選天台黃孔昭齊名正德元年擢太常寺少卿提督四夷館三年遷正卿憲入館子弟空名之弊舊習一變進南京工部右侍郎改南京戶部未幾致仕其功名事業中外著稱晚年著書自娛尤究意詩文書畫咸精造名家嘉靖二年進階通議大夫十六年 詔有司問勞年八十一而卒所著有南園集西銘通南園漫錄續錄永昌二芳記數十種滇南人物登台階者肇自志淳云

儲曜字靜夫直隸泰州人成化甲辰進士授南京吏部考功司主事尋陞郎中弘治甲寅奏改吏部考功司郎中下已擢太僕

寺少卿次年丁內艱辛酉起復補薦職乙丑陞本卿首屬馬政
便民者四事疏於朝悉見施行譽望日隆性稍介寡合執政
不相悅奏擢都察院右僉都御史總督南京糧儲革釐宿弊裁
省供費及條陳應議四事多所惠益正德戊辰擢戶部右侍郎
己巳遷左侍郎督儲其蒞政一如南都庚午春以疾乞休冬十
月仍起爲左侍郎壬申年爲南京戶部左侍郎京儲虛耗噏籌
盡深遠務善後圖癸酉正月改南京吏部左侍郎詳南京吏部
王鴻儒詳本部尚書正德八年任本部右侍郎

蔣昇詳本部尚書正德十年任本部右侍郎

蔣恭字四川重慶府巴縣人成化丁未進士授中書舍人

七年改制房辦事十年陞吏部驗封司員外郎十六年陞驗封司郎中正德元年丁憂四年降一級五年復驗封司員外郎本年復驗封司郎中六年陞南京太僕寺少卿七年陞南京右通政十年陞南京光祿寺卿改北十二年陞都察院右副都御史總督南京糧儲十六年陞南京戶部右侍郎嘉靖二年致仕

吳廷舉字獻臣湖廣嘉魚縣人洪武中其祖戎廣西梧州遂隸戎籍成化丁未舉進士嘉靖二十年任南京戶部侍郎本年陞右都御史理南畿歷南京工部尚書詳南京工部

徐蕃字宣之直隸揚州府泰州人弘治癸丑進士乞終養歸後謁選授南京吏科給事中以朋諭逆璫輩逮獄被杖幾死放爲

民璉誅起爲江西叅議正德七年陞浙江提學副使抑戒浮靡
崇理學九年吏部旌方面官碩望素孚以勵天下蕃與焉十年
陞山東右叅政十四年陞山西左布政使十六年陞順天府尹
本年陞右副都御史撫治鄖陽嘉靖二年陞南京戶部右侍郎
蕃性簡淡寡嗜好居處衣饌取給而已嘗見其子治室頗整大
患之素無妾媵其配在家爲購少女備巾櫛蕃歸見而訝之配
告以故卽日命併裝直遣還其家四年改工部右侍郎提督易
州山廠詳工部

胡鍾字直隸大名府長垣縣人弘治己未進士授南京刑
部山東司主事十七年陞南京刑部廣西司員外郎十八年陞

南京刑部廣東司郎中正德四年改兵部武選司郎中本年陞黃州府知府六年陞江西副使十一年陞山西按察使十二年丁憂十五年補浙江按察使十六年陞浙江布政使嘉靖元年陞都察院右副都御史巡撫山西二年改命督漕運三年改南京都察院右副都御史兼督操江四年改南京戶部右侍郎

楊果字實夫先爲丁溪場人果始定居興化舉鄉試開吏部郎蔡虛齋講學修贊問易其門盡得肯綮壬戌試春闈擢第二

廷試二甲進士卽告歸省父疾父卒果三年號泣不輟服闋謁選授戶部主事掌本科凡經國大章奏多出其手時逆瑾用事屢疏得歸養病正德庚午赴職乞便養改南京戶部尋陞南京刑部

江西司郎中執法不避權貴八年入爲吏部稽勲司郎中九年改文選郎中黜陟明允請託不行楊公廉謂其門可羅雀大耐官職陞南京右通政攝刑部事三大讞誅死罪無免改提督詹黃聞寧賊變建言九事以養母請歸嘉靖改元用言官薦起南京太僕寺卿陳馬政便宜數事從之進太常寺卿又以母老乞歸養復薦起南京戶部右侍郎署印校勘總核部政秩如中貴有家人冒攬內府紙價果寘之法并叅悟計官本年以疾卒於官果天性孝友歷官南北以母老在室不挈妻子業師家四喪相繼皆爲舉之而恤其孤嘗曰予自視實多曠廢惟不識瑾寧彬三兄差可免愧耳斯足覩所養云

顧珀字載祥福建泉州府晉江縣人珀生而聳奇童時卽喜偶對稍長刻苦力學弘治乙卯領鄉薦已未舉進士除知虹縣有惠政丁父憂正德丙寅起復補旌德察民瘼擇所宜利者行之於訟獄立爲剖白每比以情鄰邑有淹繫數年不決者咸來求質尤勤積貯值閩郡歲饑獨旌民得免革移爭樹碑頌德擢守和州復擢大饑倒倉庫所蓄賑之不俟申報巡按捧部檄督通賦甚亟公計民貧無措召富商諭以大義商各輸所有貸官至秋成還之商民俱無累州有蘆課勢家侵佃相仍公查收買者給批輸限無敢違者以治行旌擢南京考功郎中丁母憂服闋改除庫部諸司薪祿舊以衙門大小存斬輕八革積蠹一例分

給人無間言收倉廩俸米除斛四杜侵盜納戶稱便京衛勾解
多影射爲奸公於清勾冊內弔戶部月支冊查對積猾不敢弄
手軍士有功陞職官原籍多解丁補伍公請行印綬監查黃是
實將戶丁發回原籍當差軍免重役陞湖廣布政司叅議督儲
各府起運錢糧及王府祿米衛所糧餉節年負額幾倍公設法
綜會賦以不虧屯田瀕江以堤岸圯壞不修損屯額查累年拖
欠軍士月糧每石折銀三錢令軍士砌築一丈者給銀六錢不
加賦而堤岸悉砌完行部至漸有妖僧詐稱奉勅徃名山掛
旛所在恣橫公密發其奸置之法已卯寧庶人反南昌公駐黃
梅扼險爲池皖援會武廟親征人爭赴竄公榜諭安輯地方

恃以無恐事平乞休凡四上不允世宗入承大統以護送聖母勞有金幣之賜復上疏乞休奉旨准致仕都御史席文同御史何鰲唐符馬紀薦剡歲聞至嘉靖五年丙戌起公四川按察司副使整飭威茂二州公至修理城堡墩臺關口召募武勇彈壓羌夷歷年賞番虛糜歲計五萬餘兩公一一核實餘銀幾萬兩廣募民鑿石坎開大衢便商往來土番來貢挾利器公創會館差官把守令夷人釋刀易馬乃入郭民免毒擾後守爲定規踰年陞河南右叅政又明年戊子陞江西左布政使值賓興廷差京官主考公職提調嚴關防去取悉裁自內簾人稱得體時朝廷有龍虎山之役公不忍派民因查庫藏見三巨桶封

識朽敝簿籍不載啓視之爲金遂申撫按以此銀署工程餘作
歲例差官解部是秋擢南京太僕寺卿檢舊牘振舉馬政見近
郊腴田荒蕪問之係屯田以官徵上手拖欠故不敢耕公令軍
民人等開墾成田之後照畝徵糧以足屯額不失己丑陞南京
太常寺卿尋陞南京戶部右侍郎公署篆疏上便宜十三事留
心度支京廩充溢攝憲部攝都臺兼督江防俱勤慎不懈及見
各衛所屯田久拋荒不耕仍比徵屯糧廻與屯田御史疏請
除豁畝數追徵則例遵守至今在部五年屢乞休甲午秋得致

仕

國朝列卿紀卷之三十七終

國朝列卿紀卷之三十八

總督倉儲序

我明應運御世稽周官設六部分治而邦賦隸

要自永樂十九年都北京大政悉歸於北至宣德五年因在京及通州并象馬牛羊等房倉場糧料草束各司屬出納絲棼非專設總督大臣不可勅涇陽李公昶以戶部尚書帥屬司計至正統十年又令兼督臨清徐州淮安等處倉糧凡以重事權裕國用也以後尚書侍郎各以資叙不拘其官惟其人遭逢世廟御極中興 賑籍田先天下於嘉靖十六年又 西苑農事視前益加重云夫人臣掌國賦秉勤則可以勵下核實則可以

去浮觀昔人於計儲曾何垂念之言是蔑錢穀爲俗繙其弊非一日矣故杜預籌國立五十餘件事事躬親計析秋毫吏畏如白日韓忠彥因入狹用廣務裁損耗冗而歲計不竭此皆卓然有聲度支爲晉宋名臣非取辦文具已也况總督自初設以來有中官監理緣爲奸市猝難繩律今賴聖明獨斷裁革殆盡可以自効無所基搜及查歲迎額四百萬石先年樽節可備十年用各項徵價亦不下四百萬餘兩邇因守內節告災肯改折逋負相仍加之邊鎮奏計歲溢常額計令倉儲儘可支二三年庫亦不踰二三十萬不於此時曠然懷遠猷消弭源豈朝廷專任意耶

國朝列卿紀卷之三十八

戶部總儲尚書侍郎年表

李昶

陝西涇陽人洪武丙子鄉舉宣德五年以戶部

陳瑞

湖廣孝感人洪熙元年錄父工部侍郎壽廩宣德六年以戶部右侍郎任正統十二年致仕

李邁

陝西長安人永樂初鄉舉正統六年以戶部左侍郎任十年卒

焦宏

河南葉縣人永樂辛丑進士正統十年任

姜濤

山西忻州人永樂甲午鄉舉正統十一年以戶部右侍郎任十二年轉左理部事十四年卒於官

張睿

河南鄆陵人宣德庚戌進士正統十二年以戶部右侍郎任天順元年致仕

劉本道

南直江陰人宣德中鄉舉天順元年以戶部右侍郎任四年免

張睿

詳前天順四年以左侍郎起任六年陞戶部尚書仍總儲成化三年致仕

薛遠

南直無爲州人正統壬戌進士成化三年以戶部尚書任十三年致仕後起南京兵部尚書

翁世資

詳本部尚書成化十三年以戶部左侍郎任十四年陞本部尚書仍總督

殷謙

詳本部尚書成化十七年以戶部尚書任

李衍

號南隱慶人景泰辛未進士成化二十二年以戶部尚書任二十三年致仕

吳原

詳本部左侍郎弘治元年以戶部尚書右侍郎任

秦民悅

詳本部侍郎弘治四年以戶部右侍郎任六年回理部事

但鍾

詳本部尚書弘治六年以戶部侍郎任七年回理部事

黃傑

河南洧川人成化丙戌進士弘治七年以戶部尚書任加尚書仍任十四年調南京兵部尚書

王繼

河南新野人成化丙戌進士弘治九年以戶部左侍郎任加尚書仍任十四年調南京兵部尚書

陳清

山西襄汾人天順甲申進士弘治十四年以戶部右侍郎任正德元年陞南京工部尚書

何

鈞

河南靈寶人成化乙未進士正德

休

泮

福建閩縣人成化壬辰進士正德二年以戶部右侍郎任三年陞南京戶部尚書

陳

勗

詳本部左侍郎正德三年以本部右侍郎任

李

遜

學河南上蔡人進士正德五年以戶部右侍郎任本年改禮部歷禮部尚書掌詹事府

陳

勗

見前正德五年以本部左侍郎再任

黃

珂

四川遂寧人正德六年以戶部右侍郎任七年遷刑部左詳南京工部尚書

鄭

宗仁

直隸任丘人成化丁未進士正德九年以戶部右侍郎任十一年添註本部管事

楊

旦

福建建安人進士正德十一年以本部右侍郎任詳吏部尚書

侯

觀

直隸雄縣人進士正德十四年以戶部尚書任十六年致仕

鄭宗仁

詳前正德十六年以戶部尚書任嘉靖元年卒於官

沈冬魁

直隸故城人嘉靖元年以戶部右侍郎任尋改工部詳南京禮部尚書

邊憲

見本部左侍郎嘉靖元年以本部左侍郎任本年改理部事

王承裕

見本部右侍郎嘉靖二年以本部右侍郎任本年改理部事

孟春

山西澤州人弘治丙辰進士嘉靖三年以本部右侍郎任詳吏部左侍郎

李瓊

山東濮州人弘治丙辰進士嘉靖三年以本部右侍郎任六年陞本部尚書仍總督九年致仕贈太子太保

王軌

見本部左侍郎嘉靖九年以戶部左侍郎任

鍾芳

即黃芳廣東崖州人正德戊辰進士嘉靖十二年以戶部右侍郎任十四年致仕卒贈右都御史

張雲

河南信陽衛人弘治壬戌進士嘉靖十五年以本部尚書任本年致仕卒贈太子少保

王堯封

直隸定興人弘治乙丑進士嘉靖十七年以戶部尚書任本年致仕起南京兵部尚書

李如圭

詳本部尚書嘉靖十七年以本部左侍郎任

張潤

山西臨汾人弘治壬戌進士嘉靖十八年以戶部右侍郎任十九年陞工部尚書歷南京吏

陳經

山東益都人正德甲戌進士嘉靖二十年以戶部尚書任二十五年遷兵部尚書

張珩

山西石州人正德辛巳進士嘉靖二十五年以總督三邊右都御史推戶部尚書總督未任

王暉

應天句容人正德丁丑進士嘉靖二十五年以戶部尚書任二十六年閑住

劉儲秀

陝西咸寧人正德甲戌進士嘉靖二十六年以戶部尚書任次年改兵部尚書

李士翹

詳本部尚書嘉靖二十七年以戶部右侍郎任

孫應奎

詳本部尚書嘉靖二十八年以戶部尚書嘉靖二十一年以戶部右侍郎任

端廷赦

直隸富塗人正德辛巳進士嘉靖二十九年以戶部左侍郎任三十年陞南京右都御史

張經

即禁綏福建侯官人正德丁丑進士嘉靖三十年以戶部尚書任本年丁憂起南兵部尚書總督浙直軍務下獄

孫稽

錦衣籍南直合肥人正德甲戌進士嘉靖三十年以戶部左侍郎任三十一年出鎮薊三十二年以疾乞致仕

閏月刊

7

專元

余胤緒

湖廣應城人嘉靖丙戌進士三十一年推

戶部右侍郎總督謝恩不到閑住未任

楊行中

順天通州人嘉靖癸未進士三十二年以戶部右侍郎任

盧紳

見本部左侍郎嘉靖三十一年以戶部左侍郎任

高燿

詳本部尚書嘉靖三十年以戶部右侍郎任

馬森

見本部左侍郎嘉靖三十九年以戶部右侍郎任四十年養病四十一年起南京工部

傅願

湖廣湧陽人嘉靖壬辰進士四十一年以戶部右侍郎任本年聽調

林應亮

福建侯官人嘉靖壬辰進士四十一年以戶部右侍郎任本年聽調

呂時中

直隸清豐人嘉靖辛丑進士四十年以戶部右侍郎任四十二年自陳去位

王國光

山西陽城人嘉靖甲辰進士四十二年以戶部右侍郎任四十四年養病

張守直

順天遵化人嘉靖甲辰進士十四年以右侍郎任改二部

胡執禮

見侍郎萬曆八年以左
侍郎第十五年養內

王廷瞻

見左侍郎萬曆十一年以左侍
郎任十二年陞漕運右都御史

傅希摯

見右侍郎萬曆十二年以左侍
郎任十三年陞南京戶部尚書

宋 纏

許尚書萬曆十三年以左侍
郎任十四年陞本部尚書

張國彥

見侍郎萬曆十五年以左
侍郎任四月陞總督薊遼

胡執禮

見前萬曆十五年四月起戶部左侍郎
總督倉場十七年二月卒贈戶部尚書

耿定向

湖廣麻城人嘉靖丙辰進士萬曆十七年由南右都陞戶部尚書任尋養病

提督倉儲尚書侍郎行實

李昶字文輝陝西西安府涇陽縣人自少敦厚事親孝事長敬及爲邑庠生益自修飭爲師友所稱洪武丙子鄉薦入太學司成論秀擢左軍都事有能聲尋陞戶部郎中續用茂著永樂初肇建北京增置行部特陞行部右侍郎北京嘗靖難之後民甚凋弊而行部初置政務糾紛惟夙夜敬勤盡心協贊凡所施設各適其宜歲丁酉北京營建材用所需行部最爲繁劇昶不遑寧處傷寒經畫事無廢缺壬寅春轉戶部贊佐漕至國之儲蓄民之貢輸以至賦稅之損增金帛之出納或四方旱澆災傷年穀之所收豐歉皆調度規畫有法及尾從北征董運糧餉道經

數千里士馬足用而無匱乏洪熙元年改北京行部宣德五年
冬陞資善大夫戶部尚書賜以寶帶且命專督收支京都及通
州諸處倉糧各有條緒六年卒於官

陳瑞字 湖廣德安府孝感縣人洪熙元年以父工部侍郎
壽慶宣德六年以戶部右侍郎任正統十年致仕

李退字 陝西長安縣人正統七年任見本部侍郎

焦宏見本部侍郎正統十年任

姜濤見本部侍郎正統十一年以右侍郎任

張睿字 河南開封府鄢陵縣人宣德庚戌進士任吏科給

事中轉本科都給事中

正統十二年以戶部

右侍郎任天順元年致仕四年起左侍郎再任六年陞戶部尚書仍總督成化三年致仕

劉本道字南直常州府江陰縣人宣德中鄉舉

天順元年以戶部右侍郎任四年免

薛遠字維遠南直無爲州人正統壬戌進士成化元年以兩廣督餉功陞戶部左侍郎三年進尚書總督京儲凡文移奏劄悉出其手子部事例芟繁正譌體要歸一均節委積內外遠多寡輕重莫不法式會勘出納更胥拱手六年夏江南運不至奉命往視滻泉滯流漕以克濟十三年致仕詳南京兵部

翁世資詳本部尚書成化十三年以戶部左侍郎任十四年陞

尚書仍任

殷謙詳本部尚書成化十七年以戶部尚書任

李衍字文盛其先山東歷城人永樂初有諱義者謫戍南丹後改編隆慶州民遂爲隆慶人景泰辛未進士第授兵部主事歷陞員外郎郎中成化二年陞河南右叅議檄所部課民種桑棗戶若干株因以考長吏勤惰且令月條上其他政卽善則溫言慰之卽不善則訶譴不少貸由是州縣之吏罔不知懲勸四年丁母夫人憂服除改四川奉勑提督松藩等處糧儲出見彭索河荒田彌望乃召其土人而問之曰是可耕地而不耕何也衆皆謂生蠻往往擾耕爲患衍則相視要害橋梁墩堡柵柵爲

防民耕乃遠無擾時松藩有堡曰張臘茂州有堡曰松其皆爲生蠻所攻乃與叅將前後擒殺數百人蠻乃遠遁捷聞

朝廷屢有寶鈔綵帛之賜灌縣都江堰壞歲役夫四萬人修之吏得夤緣爲奸衍去十九築不踰歲而功告成民永賴焉七年陞河南右叅政其居官聲實一如叅議時十一年陞江西右布政未幾陞都察院右副都御史巡撫河南至則剗刮宿弊理冤獄黜贓吏定九等差役法時黃河水溢城浸者三版巡視東南角低下乃分命守土之官日夜疏濬始免決壘之患十六年陞戶部右侍郎尋奉勅巡視山海關整飭兵備置牀子弩一萬五千張弩可射三百餘步又設飛木飛石可發五七十步者各數

十萬削山坡成峭壁東西數百里歸而以圖進 上賜鈔四千

貫二十年轉左侍郎署尚書事時山東河南北直隸連旱穀無所出州縣當輸邊者類稟銀就糴以輸米踊貴斗至數百錢然亦實無歲石賣者而武吏催督道路旁午勢甚張皇衍聞之乃請輸銀太倉而以太倉之米轉輸於邊米價遂平二十一年奉勅總督三邊軍儲兼賑濟饑民時關陝不雨數月矣齋心默禱所至天輒雨又引渭水爲渠經行百餘里以利居民是歲大稔賴以全活者甚衆比還 朝復具圖以進 上喜又出寶鈔四千貫賜之明年陞本部尚書總督京通兩倉內外僚吏素熟其名皆慄悚危懼惟恐有犯者雖不大聲以色事無不理二十三年

上疏乞身以歸買田築室於隆慶城西北日與親舊觴咏其中
或問以官事則不應弘治五年以建立 皇太子恩進一品階
七年卒於家年七十四性簡直與人不能委曲又好面折人過
雖權貴亦不掩護故權貴人多怨之及將用輒爲其所抑其去
也亦以是云

吳原字道本見本部侍郎弘治元年以右侍郎任四年轉左
秦民悅見本部侍郎弘治四年以戶部右侍郎任六年回部
侶鍾見本部尚書弘治六年以左侍郎任七年回部

黃傑字河南開封府洧川縣人成化丙戌進士授推官擢
監察御史十九年陞順天府丞弘治四年陞府尹七年陞戶部

右侍郎總督倉儲

王繼字述之河南祥符縣人成化丙戌進士授雲南道御史七年陞陝西按察司僉事歷副使十五年陞山西按察使丁憂二十年補除福建二十二年轉山西右布政使二十三年陞右副都御史巡撫福建弘治二年改撫宣府又改甘肅五年陞南京兵部右侍郎九年陞戶部左侍郎總督倉儲十年陞戶部尚書仍督倉儲十四年改刑部尚書

陳清字

山東青州府益都縣人天順甲申進士

弘治十一年任都察院右副都御史撫治鄭陽十四年陞戶部右侍郎總督倉儲正德元年陞南京工部尚書

何鈞字仲衡河南河南府靈寶縣人父濬起貢士官南康知府
八歲從父遊太學穎敏強記成化戊子舉河南鄉貢乙未擢進
士第試政工部奉使襄陵王府修闕里林墓戊戌授太常寺
博士辛丑被簡爲浙江道監察御史督捕京畿東路盜賊監通
州倉山關寧夏邊儲防禁不弛巡按四川播州楊友者讐其嫡
弟愛謀奪其官誣以謀叛命刑部錦衣衛官暨巡撫都御史
會勘友黨有健訟者理折之友乃引伏安置保寧事始定監鄉
舉事時稱得人受代歸省值父病篤留閱月比居喪含歛如禮
復命而後襄事母李淑人之喪兩經月不止號泣於天及葬
而霽已乃復用人皆異之服闋改山東道刻諸司文卷茲無所

宿名益起弘治九年擢大理右寺丞十年轉左遼東吏入貢者
爲官軍誘殺獄連數千人久不決鈞往直其事不爲勢屈十一
年進右少卿十二年轉左勘陝西邊事亦一時大獄數十人當
坐死據法原情多得末減癸亥擢右僉都御史巡撫山西兼督
鴈門諸關治武官賈削軍士禁布按二司抑價買物諸弊晉
王妃父怙勢驕縱有司不能制鈞欲發其姦其人懼自引咎伏
於門者三日鈞勒令率正乃已乙丑歲大疫太原平陽饑民多
轉徙鈞賑貸招集有復業者虜覘知官軍出援宣府乘間入寇
報忽至鈞輒麾設阱出兵邀之城乃遁去丙寅旱黜貪吏理冤
獄雨遂霑足今

官缺陞戶部右侍郎總儲以疾乞致

仕邊人皆戀戀不忍釋鉤體貌魁碩氣掲揭不下物明習法律
剖析繁錯隨所至能取聲譽與人近厚卽患拯難皆力爲之性
度坦率不曲爲鉤距居家尤雍睦外暨族鄰鄉閭皆樂稱之

林泮字用養福建閩縣人成化壬辰進士授大理寺評事歷江
西左布政使正德丙寅任順天府尹省寺供應悉復舊章咸譽
豪右畿輔以治丁卯陞戶部右侍郎總督太倉糧儲時逆瑾用
事泮惟內無所失而處之甚恭奉勑往鳳陽河南會勘徽府
田土事竣加俸一級戊辰陞南京戶部尚書

陳勗見本部侍郎正德三年以戶部右侍郎任四年陞左侍郎
本年致仕五年起左侍郎再任

李遜學字希賢河南上蔡縣人成化丁未進士改庶吉士正德戊辰歷太常寺少卿提督四夷館兼翰林院侍講是秋經筵講尚書多所諷諫裨益弘多李西崖以一鳴驚人稱之庚午陞戶部右侍郎提督倉儲改禮部詳詹事

黃珂字子鑑四川遂寧人成化甲辰進士授龍陽知縣擢御史正德三年任山西按察使四年陞都察院右僉都御史巡撫延綏六年陞戶部右侍郎總督倉儲七年改刑部詳南京工部尚書

鄭宗仁字子衡直隸河間府任丘縣人成化丁未進士弘治六年陞禮科右給事中六年

陞尚寶司丞十五年陞尚寶司卿十七年陞南京太僕寺少卿
正德二年改太常寺少卿六年陞南京太僕寺卿改北本年改
光祿寺卿七年陞都察院右副都御史巡撫山西九年陞總儲
戶部右侍郎十一年添註本部十二年以戶部右侍郎兼右僉
都御史總督宣大軍餉十三年回部十四年轉左十六年陞戶
部尚書仍總儲嘉靖元年卒於官

楊旦字晉叔福建建安縣人弘治庚戌進士授吏部驗封司主
事丙辰陞考功員外郎己未陞稽勲郎中辛酉轉考功司品藻
精確風采剛方太宰王恕倪岳馬文升皆器重之考察有奏辭
者日持不可開倅門戴公珊是之甲子陞太僕少卿乙丑改太

常正德丙寅歸省丁卯起復逆瑾欲見之不往以違限出知溫州治之不遺方庚午陞浙江提學副使浙士服其精鑒辛未陞應天府丞進尹順天民負內供不能償者以贓罰帑羨代納禁屬毋重科流民道殣相望悉收葬之壬申陞南禮部侍郎轉禮部掌太常寺事裁抑浮費丙子改戶部總儲勦剔奸蠹持正不回而中貴亦自服屬官倚重丁丑西羌犯順奉勅督理糧餉所在充足詳吏部尚書

侯觀字

直隸保定府雄縣人成化戊戌進士

弘治十五年陞戶部郎中十八年

陞南京太僕寺少卿正德二年丁憂五年補太常寺少卿本年

陞太常寺卿提督四夷館九年陞戶部右侍郎尋以本官兼右
僉都御史總督宣大軍務十一年回部十三年轉左十四年陞
戶部尚書總督倉儲十六年致仕

沈冬魁字直隸阜城人弘治庚戌進士正德三年任吏部
驗封司郎中四年陞順天府丞八年陞四夷館太常寺少卿九
年轉光祿寺卿改太常寺卿督四夷館十三年陞右副都御史
巡撫河南十六年陞工部右侍郎督易州山廠嘉靖元年回理
部事改戶部右侍郎總督倉儲二年陞南京禮部尚書

邊憲詳本部左侍郎嘉靖元年以左侍郎任本年回部

王承裕見本部右侍郎嘉靖二年以右侍郎任本年回部

孟春字

山西澤州人弘治丙辰進士任浙江嚴州府知府

正德五年陞太僕寺少卿八年陞右僉都御史巡撫宣府十一年降陝西叅議陞叅政十六年陞應天府尹本年陞右副都御史巡撫順天等府設所部預備倉積二十萬六千餘上嘉之

嘉靖二年陞總儲戶部右侍郎三年陞吏部左侍郎

李瓊字

山東東昌府濮州人弘治丙辰進士正德五年任

通政司右叅議七年丁憂九年復任十年陞大理寺左少卿尋

陞巡撫順天兼飭薊州兵備都察院左僉都御史十二年陞巡

撫保定右副都御史十三年遷通政使掌鴻臚寺事十四年改

左副都御史經略居庸山海邊關十六年陞工部右侍郎總理

河道嘉靖三年改總儲戶部右侍郎六年進戶部尚書仍總儲
九年致仕 年卒贈太子太保

國朝列卿紀卷之三十八終